

# Ngā Tau Whaiwhai A Heremana

E tūhura ana a Heremana i te tapeke o ētahi tau whaiwhai.  
Ka pēnei tana tuhituhi:

$$1 + 2 = 3$$

$$2 + 3 = 5$$

$$3 + 4 = 7$$

$$4 + 5 = 9, \text{ haere ake, haere ake.}$$

Ka kīia ēnei ko te tapeke o ētahi tau whaiwhai e rua.

Tuhia ngā tapeke o ētahi tau whaiwhai e toru. Anei te mea tuatahi:

$$1 + 2 + 3 = 6$$

E kimi ana Heremana mēnā ko te 36 te tapeke o ētahi tau whaiwhai e rua, e toru, e whā, e rima rānei.

Ka tuhia tana mahi ki te tūtohi nei. Māu e whakaoti te tūtohi nei a Heremana.

Te tapeke o ētahi tau whaiwhai e 2	Te tapeke o ētahi tau whaiwhai e 3	Te tapeke o ētahi tau whaiwhai e 4	Te tapeke o ētahi tau whaiwhai e 5
3	6	10	15
5	9	14	20
7	12	18	25
9	15	22	30

Titiro ki te tūtohi ka āta whakaaro i ētahi tikanga e mōhiotia ai mēna ko te 36 te tapeke o ētahi tau whaiwhai e rua, e toru, e whā, e rima rānei.

Kōwhiria tētahi tau i raro i te 50. Whakamātauria mēnā ko taua tau te tapeke o ētahi tau whaiwhai e rua, e toru, e whā, e rima rānei.

Whakawhānuitia te tūtohi, ka tuhi ai i ngā tapeke o ngā tau whaiwhai e 6, e 7 hoki.

Kimihia ngā tau katoa i raro i te 50, kāore e taea te tuhi hei tapeke o ētahi tau whaiwhai.